

## GJALDSKRÁ

### fyrir stuðningsþjónustu í Múlaþingi

### samkvæmt lögum um félagsþjónustu sveitarfélaga.

#### 1. gr.

##### *Almenn heimilisstörf.*

Þjónustupegi greiðir fyrir aðstoð við almenn heimilisstörf. Fullt gjald fyrir stuðningsþjónustu er kr. 2.352 fyrir hvern unninn tíma. Aldrei er þó innheimt fyrir meira en 10 klst. á mánuði. Þjónusta umfram það er gjaldfrjál.

Mögulegt er að sækja um lækkun gjalds og skal það metið sérstaklega af starfsmönnum fjölskyldusviðs samkvæmt viðmiðum í fylgiskjali með gjaldskrá þessari. Afsláttur eða niðurfelling gjalda er metin samkvæmt innsendum tekjuupplýsingum/skattframtali. Kjósi þjónustupegi af einhverjum ástæðum að skila ekki inn tekjuupplýsingum greiðir hann fullt gjald. Undanþága frá gjaldi gildir ekki fyrir heimsendan mat.

Stuðningsþjónusta vegna fatlaðra barna er gjaldfrí.

#### 2. gr.

##### *Heimsendur matur.*

Þjónustupegi greiðir fyrir heimsendan mat. Hver skammtur kostar kr. 1.251.

#### 3. gr.

##### *Daggjald í dagvist aldraðra.*

Samkvæmt reglugerð nr. 1245/2016 um dagdvöl aldraðra, með síðari breytingum 2023, er upphæð daggjalds kr. 1.453.

#### 4. gr.

##### *Fæðisgjald.*

Fæðisgjald í Stólpa, hæfingu/iðju, er á dag kr. 1.251.

#### 5. gr.

##### *Útlagður kostnaður vegna félagslegs stuðnings.*

Notandi stuðningsþjónustu greiðir sjálfur eigin kostnað vegna frístundastarfs sem hann tekur þátt í með stuðningsaðila. Fjölskyldusvið Múlaþings endurgreiðir stuðningsaðila útlagðan kostnað gegn framvísun kvittana, að hámarki kr. 7.000 á mánuði. Sveigjanleiki er varðandi það að nýta fjármagn frá mánuði til mánaðar, þó ekki á milli ára.

#### 6. gr.

##### *Garðsláttur.*

Greitt er fyrir garðslátt skv. gjaldskrá þjónustumiðstöðva í Múlaþingi. Umsækjendur sem metnir eru í þörf fyrir stuðningsþjónustu geta átt rétt á allt að þremur gjaldfrjálsum garðsláttum yfir sumarið að uppfylltum skilyrðum eigna- og tekjuviðmiða skv. 1. flokki í fylgiskjali með gjaldskrá þessari. Þeir sem falla undir eigna- og tekjuviðmið skv. 2. flokki í fylgiskjalinu geta átt rétt á 50% afslætti á tímagjaldi gjaldskrár þjónustumiðstöðva Múlaþings. Þeir sem falla innan þriðja flokks eiga ekki rétt á garðslætti hjá sveitarfélaginu.

#### 7. gr.

##### *Snjómokstur.*

Greitt er fyrir snjómokstur skv. gjaldskrá þjónustumiðstöðva í Múlaþingi. Umsækjendur sem metnir eru í þörf fyrir stuðningsþjónustu geta átt rétt á snjómokstri. Í undantekningatilfellum er hægt að sækja um gjaldfrjálsan snjómokstur og er þá miðað við eigna- og tekjuviðmið í 1. flokki í fylgiskjali með gjaldskrá þessari. Þeir sem uppfylla eigna- og tekjuviðmið skv. 2. flokki í fylgiskjalinu geta átt möguleika á 50% afslætti á tímagjaldi gjaldskrár þjónustumiðstöðva Múlaþings. Þeir sem falla innan

Þriðja flokks eiga ekki rétt á snjómokstri hjá sveitarfélaginu. Undantekningar geta átt við í tilfalli þeirra sem hafa samþykkt ferðabjónustu eða njóta heimahjúkrunar.

## 8. gr.

*Innheimta.*

Gjöld eru innheimt mánaðarlega. Greiðsluseðlar berast ekki heim með pósti nema þess sé sérstaklega óskað.

## 9. gr.

*Endurskoðun upphæða.*

Tímagjald fyrir stuðningsþjónustu tekur breytingum samkvæmt vísitölu neysluverðs sem reiknast frá 1. október ár hvert. Viðmiðunarupphæð tekjumarkna tekur breytingum í samræmi við lífeyrisgreiðslur almannatrygginga. Viðmiðunarupphæð eignamarkna tekur breytingum samkvæmt útgefnu eignaviðmiði félags- og vinnumarkaðsráðuneytis vegna sérstaks húsnæðisstuðnings. Sjá tekju- og eignaviðmið í fylgiskjali.

## 10. gr.

*Gildistaka og lagastoð.*

Gjaldskrá þessi, sem er sett í samræmi við 26. gr. laga um félagsþjónustu sveitarfélaga nr. 40/1991, öðlast þegar gildi. Um leið fellur úr gildi gjaldskrá nr. 177/2023 fyrir stuðningsþjónustu í Múlaþingi samkvæmt lögum um félagsþjónustu sveitarfélaga.

Samþykkt í sveitarstjórn Múlaþings 13. desember 2023.

*Múlaþingi, 14. desember 2023.*

**Björn Ingimarsson** sveitarstjóri.

**Fylgiskjal.****Útreikningar á gjaldtöku fyrir stuðningsþjónustu.**

Útreikningar á gjaldtöku fyrir stuðningsþjónustu miðast við tekjur og eignir heimilisins. Tekjuviðmið í gjaldskrá miðast við lífeyrisgreiðslur almannatrygginga og taka breytingum samkvæmt þeim.

Viðmiðunarupphæð lausafjáreignar fer eftir eignaviðmiði sem gefið er út af félags- og vinnumarkaðsráðuneytinu vegna sérstaks húsnæðisstuðnings og tekur breytingum samkvæmt því. Viðmiðunarupphæð lausafjáreigna var 7.157.858 kr. 1. janúar 2023. Þeir einstaklingar sem eiga eignir umfram viðmiðunarupphæðina greiða tímagjald skv. 3. flokki í töflunni hér fyrir neðan.

Tekjulágir einstaklingar geta sótt um lækkun gjalds vegna stuðningsþjónustu til félagsþjónustu og skal það metið sérstaklega samkvæmt neðangreindri töflu.

*Kostnaður sem hver einstaklingur greiðir á klst. miðað við tekjur:*

<i>Tekjuviðmið</i>	<i>Einstaklingur, kr.</i>	<i>Hjón, kr.</i>	<i>Greitt pr. klst. kr.</i>		
1. fl.	0 - 395.257	0 - 632.411	0%	Niðurgreidds tímakaups	0
2. fl.	395.257 - 592.886	632.411 - 948.617	50%	Niðurgreidds tímakaups	1.176
3. fl.	592.886 - og hærra	948.617 og hærra	100%	Niðurgreidds tímakaups	2.352